

Gvangjsih Minzczu Bau

Guenjbanh: Gvangsijh Bouxcuengh Swcigih Minzczu Cunghgyau Swvu Veijyenzei Okbanj: Gvangsijh Minzczu Bause Geiz neix 8 banj
广西民族报 Aenhauh okbanj: CN45-0036 B.2022 Nd.3 Ng.16 Liggaeuq nyaemzyinz nienz ndwenngaih cibseiq Geizsoq: Gungh daih 3515 geiz

Cunghgung Cunghyangh Gozvuyen Fat Hoh-dienh Hawj Cungguk Dijyuz Daibyauidonz 中共中央国务院向中国体育代表团致贺电

Sinhvaze Baekging 3 nyied 13 hauh dienh Cunghgung Cunghyangh Gozvuyen fat hohdienh hawj Baekging Daih 13 Gaiq Dunghcanzauvei Cungguk Dijyuz Daibyauidonz

Cungguk Dijyuz Daibyauidonz:

Youq Baekging Daih 13 Gaiq Dunghcanzauvei, Cungguk Dijyuz Daibyauidonz haenqrenz cenggonq, ceng ndaej 18 gaiq baizgim, 20 gaiq baizngaenz, 23 gaiq baizdoengz, youq buengi baizgim, buengi baizciengi baiz daih'it, aeundaej gij cingzcik ceiq ndei guk raeuz camgya dunghcanzauvei doenghbaez caengz miz gvaq, vih gukcoj caeuq beksingq hingz ndaej mingzdaeuz, vih banh baenz Baekging Dunghcanzauvei guh'ok le gungyen hung. Dangj-cunghyangh, Gozvuyen cukhoh caeuq camnai gyoengqsou!

Youq gaiq dunghcanzauvei neix, gyoengqsou geiqmaenh vahdaengq dangj caeuq beksingq, fatyengz gij cingsaenz mbaq dawz sawjmingh, buekguh miz gou, lohloh camgya, gamj bae hamjgvaq, gag ak mbouj dingz, doxgiet buekguh, yienj diuz go sengmingh giendingh mbouj fug, angqyangz baenaj, saedyienh yindung cingzcik caeuq cingsaenz vwnzmingz cungj fungsou. Gyoengqsou yungh saedsaeh hengzdoengh doeksaed gij iugouz aeu baizgim daudwz, baizgim funggek, baizgim seuqcengh, caeuq bouxyindung vunzdangcanz gak guk gak dieg seiqgyaiq doxhag, doxndei doxgyau, caezyiengj hoihhoengh, cungfaen langhbaij gij yienghsienq cingsaenz vunzdangcanz Cungguk seizdaih moq. Gyoengqsou biujyienh ndei cungfaen yienh'ok gij cingsaenz dijyuz Cunghvaz, cungfaen yienh'ok gij cingzcik Cungguk gienzvunz baujcanz caeuq gukgya hwngfat, caenh'itboush gikfat gij cingz gyaenz guk lwg Cunghvaz ndaw guk rog guk, vih daengx dangj daengx guk gak cuz beksingq youq roen moq cienzmiengh hwnqguh sevei cuji yendaiva gukgya giet sim comz rengz, doxgiet haenqguh gyahaeuj rengz cingsaenz. Guekcoj caeuq beksingq vih gyoengqsou roxnyinh ndaengndiengq caeuq miznaj!

Seizneix, miz Dangj-cunghyangh aeu Siz Ginbingz dungzci guh vaedsim giengienqz daiqlingx, daengx dangj daengx guk gak cuz beksingq cingq cingsaenz gvaekgvaek hamj haeuj coh aen moegbiu bak bi buekguh daihngaih.

Maqmuengh gyoengqsou aeu gij swhsienq sevei cuji miz daegsaek Cungguk seizdaih moq Siz Ginbingz guh vixyinx, laebdaeb fatyengz gij cienzdoengj miznaj dijyuz vunzndangcanz, sim naemj guekcoj, haenqrengz buekguh, cauh cingzcik ndei moq, doidoengh gij saehnieb dijyuz vunzndangcanz guk raeuz hwngfat, doinyoengx caeuq gikcoi gyoengq vunzndangcanz gag aeueiq, gagsaengq, gaggiengz, gaglaeb, gamj bae najdoi deuyneyx, gaenxmaenx lienhdang fukcangq, hawj ciuhvunz lwenqrongh, vih saedyienh aen loqsiengj Cungguk Cunghvaz Minzczu fukhwng hungmbwk ok rengz ok dungxcaiz.

Cunghgung Cunghyangh Gozvuyen
2022 nienz 3 nyied 13 hauh

Sanhgyangh: Aen Gyangjdangz Laeuzgyong Gangj Cingsaenz

三江: 鼓楼讲堂巧宣讲

3 nyied 11 hauh, Sanhgyangh Dungcu Swciyen youq ndaw laeuzgyong Siengzhoz Gujyiz Cin Nanzcan Segih guh beksingq gangj "angqcoux Ngeihcib Daih-lajmbanj saenqhwnq", doenggvaq ciengq fwen Dungcu, gobizbaz Dungcu daengj hingsik miz daegsaek beksingq raen lai gyaenz yawj, hag gangj gij cingsaenz Daengx Guek Song Hoih, doidoengh guhbaenz gij rengz hung daengx biengz caeuqfaenh lajmbanj saenqhwnq, haenqrenz hwnqguh aen Sanhgyangh vuenyungz moq habyouq habnieb habyouz, yungh cingzcik ndei angqcoux Ngeihcib Daih Dangj hai baenz. Ndawdoz dwg gyoengqvunz cingq danz gobizbaz gangj cingsaenz.

(Gungh Bujganh ingi)



Swhyenz Yen Gaenxmaenx Doidoengh Gij Eiqsik Caezcaemh Cunghvaz Minzczu Haeuj Uk Haeuj Sim 资源县积极推动中华民族共同体意识入脑入心

Swhyenz Yen gaenxmaenx gvan-gez doeksaed gij swhsienq youqgaenj mizgven gyagiengz caeuq gaijndei hong minzczu Siz Ginbingz cungj-suhgi, doenggvaq guh cawjdae hozdung, comz gangj comz lwnh caeuq cauh fwen cienzciengq daengj banh-fap, cietsaed doicaenh "cukmaenh gij eiqsik caezcaemh Cunghvaz Minzczu" haeuj uk haeuj sim.

Guh "cukmaenh gij eiqsik caezcaemh Cunghvaz Minzczu bangrenqz daengx yienh ceng cauh aen yienh yienghndei minzczu doxgiet cinbu daengx guk veijyen hengzdoengh", heuhcomz yen cwnghenz veijyen caeuq bouxvunz dungjan, haeujlaeg guh baenzroix hozdung, doidoengh hag cienz cienzdoengj vwnzva maenhndei Cunghvaz, daj ndawde hag aeu gij rengz cingsaenz gak minzczu doxgiet haenqguh, caez naeuz hwngfat, cukmaenh gij eiqsik caezcaemh Cunghvaz Minzczu.

Laeubaenz aendoih gagnyienh fugsah senhconz "cukmaenh gij eiqsik caezcaemh Cunghvaz Minzczu", gaenxmaenx cauh'ok senhconz heiqfaenh minzczu. Doenggvaq laeb daiz senhconz, baij canjbanj, fat senhconz swhliu (huq senhconz), gunghawj fugsah camcaz, haeuj ranz haeuj mbanj daengj fuengsik, haeujlaeg lienzhaeh gak cuz ganbu ginzcong, lwnh minzczu cwnqczw fapgvi, gij cihsiz hong minzczu, hawj ginzcong gaenxmaenx caeuqfaenh hozdung ceng cauh aen yienh yienghndei minzczu doxgiet cinbu daengx guk, caezcaemh doxgiet haenqguh, caezcaemh mwnhoengh hwngfat.

Gaenxmaenx cauh fwen ciengq fwen. Lienzhab vwnzyi donzdij caeuq bouxswncienz fwen dangdieg cauh gij fwen "cukmaenh gij eiqsik caezcaemh Cunghvaz Minzczu", aeu fwen ciengq hong minzczu doxgiet okdaeuj hawj beksingq dingq, fatyengz ndei bae, cietsaed doinyoengx cukmaenh gij eiqsik caezcaemh Cunghvaz Minzczu.

(Suh Siujinz Lij Bingz)